

لكي نعرف أن ١٧٠٠٠ فقدوا في هذا البلد

كاث قضيتهنا عنوانها «من حقنا أن نعرف»، من اليوم صار عنوانها «من حقكم أن تعرفوا»..

إذا بتسمحو لي أراجع شووي لولاد المفقودين، حابة اعترف وقلن نحننا منعرف ائو في أوقات قصرنا وما اهتمينا فيكن مثل ما لازم.. في مرآت زعلانكن وما قدرنا نلبليكن كل حاجاتكن ورغباتكن.. ويمكن في حدا منكن حس بأوقات ائو فقد امو مش بس لئو أنجا كان عم يشوفا.. تأكدوا ائو هلي عملنا ما كان بس تا نرجع الأحباب.. عملناه لئو منحبكن وبدنا ياكُن تعيشوا بأمان.. بتمنى تسامحونا..

بحب قلكن ائو يلي قدرنا نوصلو عا مدار ٣٠ سنة ما تستهينوا فيه.. وثقنا كلو.. لهيك منتمنى انكن تنتبهولوا كثير منيح، وخصوصاً مشروع الحل يلي رسمنا بعد هالسيرة الطويلة.. هوي عصارة نضالنا والمدخل لخلصنا.. بنظرنا هوي الخريطة والطريق والباب لحل قضية المفقودين ووين ما كانوا.. منتمنى تحمله، تطوره إذا حسيتو لازم هالشبي..

منتمنى كمان انكن تفكروا بالمفقودين يلي بعدون طيبين، شو لازم تعملوا حتى يرجعوا لعيلن ولأهلن قبل ما يصير الوقت مأخر..

يا ولادنا، يا كل شباب وصبايا لبنان، ائتو مش لحالكن رح تحملوا، نحننا رح نبقي حدكن، وجربوا تخلوا كل الناس يكونوا معكن تا تكلموا مشوار الحقيقة والكرامة والعدالة.. وتا تمنعوا مسلسل الخطف يلي رجع من أول وجديد يطل براسو.. ويهدد كل واحد بهالبلد.. كل واحد منا صار في خطر عليه وعم يحسب ايمتى جايي دورو!!

منتمنى ائو هلي قدرنا نزرعو عا مدار هالسنتين يزهر عا ايديكن.. ونعرف شو صار مع بياتكن واخواتكن.. شو صار مع الـ ١٧٠٠٠ يلي انخطفوا وانفقوا بهالبلد.. ساعتا كلنا منرتاح وكل الأهالي حتى يلي ماتوا قبل ما يعرفوا شو صار بولادن..

ساعتا منكون فعلاً بلشنا نكتب تاريخ، بلشنا نحس ائو فعلاً عايشين بوطن.. ائو صرنا مواطنين.. ائو رجعنا بشر.

وداد حلواني

نداء أطلقته رئيسة «لجنة أهالي المخطوفين والمفقودين في لبنان» وداد حلواني، السبت الماضي، بمناسبة انطلاق حملة «بكفي نظرة»، بالتعاون مع «المنعول من أجل المفقودين» و«جمعية سوليد»، في ذكرى ولادة أول تجمع لأهالي المفقودين والخطفين قسراً في لبنان قبل ثلاثين عاماً. ويبلغ عدد المفقودين في الحرب الأهلية حوالي ١٧ ألفاً من كافة الطوائف والأحزاب ومصيرهم ما زال مجهولاً حتى الآن.

هدنا هوي الطريقة البشعة يلي تعامل فيها المسؤولين معنا وكذبنا علينا..

من ثلاثين سنة كنا تقريباً بعمركن هلق، أصغر أو أكبر شووي.. أنا كان عمري ٣١.. وائتو كنتوا صغار..

اليوم وبعد ٣٠ سنة، ائتو صرتوا قدنا.. ونحننا يلي كنا صبايا حلويين كبرنا شووي.. ايه شووي.. ما تنقزوا.. صحيح في قسم منا صار ختيار، قسم مريض، قسم مات، بس هني معنا.. نحننا مكفاين وعنا إرادة وتصميم..

بحب تعرفوا ائو نحننا ما اخترنا نكون أهالي المفقودين.. أنا مثلاً ما اخترت ائو ينخطف زوجي، ولا ولادي اختاروا يكونوا ولاد مخطوف، مريم ما اختارت أنا تصير أم مفقود وولادا يصيروا اخوة مفقود، ولا أوديت ولا أم تيسير ولا أم محمد.. في حدا تاني كان عم يختار عنا كل الوقت.. حدا تاني اختار ائو نحننا نقضي ٣٠ سنة بالشارع.. اختار عنا كيف منفر، شو منحس، كيف منام وكيف منتوجع..

واليوم بعدو هوي ذاتو عم يختار عنا، عم يجبرنا ائو نمشي فوق عظام رجالنا وولادنا.. ائو نسكت وما نقول شي.. ائو نعيش نحننا وائتو فوق مقابر، نخرس وما نفتح تمننا!!

خلص بعد فيكن تتحملوا كذب وتلطّي ورا حكي وشعارات عن الأخلاق ومجد لبنان مهد الأديان والثقافات.. وطبعاً الكرم اللبناني وسبخ اللحمية وصحن الحمص!! يعتقد ائو ما في شعب بالعالم قدر يعمل يلي نحننا عملناه.. بفتكر ما حدا قدر يرقص فوق مقبرة جماعية، نحننا.. قدرنا!!

قولكن، شو لازم نعمل تا نرجع نصير بشر؟ مثل ما سبق وقلت، في كتار منكن ما كان معو خبر، بس اليوم صرتو بتعرفوا.. يعني بركا تغيّر لأنكن صرتو بتعرفوا..

بكرار رح تفكروا بهالشبي ائتو ورايحين عا مدارسكن، جامعاتكن، عا مكاتبكن، عا أشغالكن، ائتو ورايحين عا بيوتكن، رايحين عالسهرة، عالسينما ووين ما كنتو.. اليوم، لئو صرتو بتعرفوا.. صارت مسؤوليتكن.. يعني ائتو بتقررروا كيف بدكن تعيشوا.. كيف بدكن تكملوا!!

اليوم، بظن ما بقا لازم نحكي بس عن أهالي المفقودين، لأنن ما بقا من لوحدن.. اليوم خبرتكن، باسم الأهالي، هيدا السري يلي هني بيعرفو وعاضين عليه من ٣٠ سنة وناطرين هاللمحة تيسألوكن: ائتو.. شو رح تعملوا بركا؟ ائتو.. شو رح تقررروا؟

اليوم حابة اتوجهلكن يا ولادنا، ولاد المفقودين وولاد المش مفقودين، ائتو كلكن يلي هون مختلطين مع بعضكن.. ما حدا قادر يميّز بيناتكن: مين ولاد المفقودين ومين ولاد العاديين، وعم أتوجه كمان ليلي ما قدروا يجو اليوم.. المهم ائو تبقوا سوا وما تنفصلوا..

حابة اليوم خبركن خبرية كتير بشعة.. كتار منكن صاروا بيعرفوها وكتار ما بيعرفوها بعد..

ائتو عايشين فوق مقابر، بالطبع مش عم احكي عن المدافن الطبيعية.. عم احكي عن مقابر جماعية مخبّاية تحت الأرض بشوية تراب.. يمكن عم قول هالشبي بشكل كتير فج، ما تأخذوني بس هيدي حقيقة.. مقابر عم تمشوا فوقها، عم تصفوا السيارات فوقها، عم تعمروا فوقها، عم تسكنوا فوقها.. عم تاكلوا وتشربوا وتسهروا وترقصوا وتلعبوا فوقها..

هلق رح خبركن تاريخ: مثل اليوم من ثلاثين سنة (١٧ تشرين الثاني سنة ١٩٨٢) عملت نداء بالراديو لأماتكن واخواتكن تاننلاق.. مش كتير بعيد من هون، عا كورنيش المزرعة قدام جامع عبد الناصر.


هالنداء عملتو بعد ما كان مارق شهر تقريباً عا خطف عدنان، زوجي. بالأول كنت بلشت أركض لوحدي، من زعيم، لرئيس، لنايب، لرئيس حكومة تا يساعدونني.. كل شي طلع منن كلام بيشبه بعضو: «يا حرام.. الله يساعدك بعدك صبية صغيرة.. عا كل حال في ناس متلك اجو تشككو.. طيب، مين هالناس؟ ما حدا منن قدر يعطيني ولو اسم واحد!!

ساعتا فكرت ائو لو بلاقي تنين متلي، بس يكونو أطول مني وأكبر، منصير أقوى ومنشوف شو فينا نعمل سوا، وميشان هيك عملت النداء.

وقت جيت عالوعد، لقيت أكثر من ١٠٠ مرا مجتمين قدام الجامع.. كان في معن ولاد كمان.. ما قدرت صدق.. هالقد في ناس انخطفلن ناس بيحبوهم مثل ما صار فيني أنا وولادي!! ما قدرت استوعب ائو هالقد في ظلم.. وفرد دفعة!!

نمل جسمي، ورم راسي.. وقلت بيني وبين حالي أكيد لازم نعمل شي، بس شو، ما بعرفا! بعد شووي وقفنا بكي، مسحنا دموعنا، حملنا وجعنا عا كتافنا، نظمنا صفوفنا ومشينا.. وهيك بلشت أول مظاهرة لأهاليكن (١٧ تشرين الثاني ١٩٨٢).

مشينا، ركضنا، اعتصمنا، سكرنا معابر بين الغربية والشرقية، حرقنا دواليب (Sorry)!!.. هلكننا.. بس بصراحة مش هودي الأشيا يلي تعبتونا، ولا الرصاص والقذائف.. يلي



(أ.ف.ب)

في المتحف، المكان الذي شهد جرائم خطف في سنوات الحرب الأهلية